

նողաց կամ շինել տուողաց անունն կամ մակա-
նունն, ինչպէս « Մէլէքին և Քափանակին », որք
ցարդ կանգուն կեցել են:

Ազգայինք. ինչպէս ամէն տեղ, աստ ևս ի Կաֆա
իւրեանց սեփական աշխարացութեամբ և հաւատա-
րիմ գործունէութեամբ սիրելի կը լինին քաղաքին
տիրող Գենուացւոց. ի նոցանէ Նախարար, Պարոն
և Իլխան պատուանուններով կը մեծարին. կ'ունե-
նան առանձին հայկական զինաւորք, պահակապանք
(gendarmérie) որք իրենց զօրագլխով կը կանգնին
պարիսպ ընդդէմ այլազգեաց յարձակմանց:

Արեղայք և անապատաւորք վանքերու մէջ, և
անտառներուն խորեր, զատ զատ հողատներու մէջ
կը քաշուին հեռացեալք ի զբաղմանց աշխարհի.
Վանսց մէջ նշանաւոր են Գեմիակ կամ Քամճակ
անապատները, յանուն Աստուածամօր եկեղեցւով
ի Սուրխաթ, և Մողկան անապատը Ալլաւ գիւ-
ղին մէջ, ուր կը պարապին ուսմամբ, մշակելով
իրենց հետ բերած քաղցրիկ աւանդը և դրոշմը
հայութեան, այն է մեր նախնեաց ճոխ լեզուն:
Ընդօրինակած են այդ վանքերուն մէջ հարիւրաւոր
հոգեխօս գրեանք և շքեղ պատկերազարդել են
սուրբ կտակարանք:

Ազգիւս մշակ կամ գեղացի մասը, խումբ խումբ
սփռել են Ղրիմու հովասուն լերանց ստորտը,
գեղածիծաղ անտառաց մօտերը, ուր կը բղխեն
քաղցրահամ աղբիւրներ, և այն տեղեր գիւղեր
և աւաններ սարքելով, ակօսաբեկ կը պատառեն
արգաւանդ դաշտերը:

Կաֆայի հարաւային մասը, դէպ ի սարերը, հա-
յարնակ նոր քաղաք կը լինի բիւրաւոր հայ բնակ-
չսք և կը կրէ անուն ծովային հայաստան, Սուրխաթ